

ALGEMENE VRAE EN ANTWOORDE VIR TROUES EN –ONTHALE TE DE VETTE MOSSEL STRAND-SEEKOSRESTAURANT

Baie dankie vir u belangstelling.

Ons glo dat De Vette Mossel @ Grootbrak met sy besondere ligging, voortreflike menu, eiesoortige karakter en manier van doen, waarskynlik die mees besondere strandtrou-venue in Suid-Afrika is. Wees ook verseker van ons entoesiasme om jul troue werklik iets besonders, onvergeetlik en uniek te maak. Anders as die meeste trou-venues wat volgens ons mening troupaartjies met astronomiese hoë pryse uitbuit, glo ons in onverbeterbare waarde vir geld - vergelyk gerus self. Ook anders as baie “Strand-trou venues”, maar wat in werklikheid kilometers van die see self is, is ons letterlik OP ‘n afgeleë en ongeskonde strand. Was ons nader – sou julle natgespat het!

Besoek gerus eers ons webblad by www.devettemossel.co.za vir die “look and feel” en basiese inligting. As u enigiets anders verlang as dit wat De Vette Mossel bied, kontak gerus vir **Nikki** by devettemossel@gmail.com of 079 339 0170. Sy is die huweliksbeplanner wat ook ons besprekings en reëlings vir huwelike en onthale hanteer en weet presies wat moontlik is en wat nie.



1. HOEVEEL KOS DIE BUFFET PER PERSOON?

Dieselfde as vir normale gaste aan De Vette Mossel.

Indien jou troudag van Desember 2022 tot einde November 2023 is, is dit R320 per volwassene persoon, R260 vir hoërskoolkinders, R170 per laerskoolkind, R90 vir 4-6 jariges en 3 jaar en onder is gratis. Kreef is R250 (afhangende van die grootte- 250g-500g) per heel kreef en R220 vir 400g heel garnale addisioneel. Jy kan ook kalamari steak en Vangs van die Dag ekstra bestel. BTW is by alle pryse ingesluit.

2. VENUE HUUR: EKSKLUSIEWE GEBRUIK:

1. Van 1 Mei tot einde Augustus – R12 500.
2. Van September tot en met 30 November - R19 500
3. Van 1 Desember tot en met 19 Desember – R25 000
4. Van 20 Desember tot en met 5 Januarie – R55 000. (Geen troues van 24 Desember tot en met 1 Januarie)
5. Van 6 Januarie tot einde April – R22 000.

Let wel, hierdie kostes verhoog jaarliks op 1 Desember met 8%, en is met die troudatum van toepassing en nie die datum waarop bespreking gemaak is nie.)

3. VENUE HUUR: NIE-EKSKLUSIEWE GEBRUIK VAN DIE RESTAURANT

1. Van 1 Mei tot einde Augustus – R3 500.
2. Van 1 September tot en met 30 November - R6 500.
3. Van 1 Desember tot en met 19 Desember – R8 000.
4. Van 20 Desember tot en met 5 Januarie – R20 000 (geen troues van 24 Desember tot en met 1 Januarie.)
5. Van 6 Januarie tot einde April – R8 500
6. (Let wel, hierdie kostes verhoog jaarliks op 1 Desember met 8%, en met die troudatum van toepassing en nie die datum waarop die bespreking gemaak is nie.)

Dit beteken dat gewone gaste ook die aand saam eet. Julle het egter die eksklusiewe gebruik van die hele restaurant tot wanneer gewone gaste arriveer, wat 6nm in die aand en 11.30vm vir 'n middagsessie is. Geen afkondigings of toesprake sal daarna deur julle gemaak mag word nie en ons speel die musiek. Julle sal eers julle musiek mag speel en die dansbaan gebruik van na 9nm. Die deel van die restaurant waar julle sit word egter afgebaken met 'n net en julle het wel die eksklusiewe gebruik van julle deel.

4. AFSLAG OP VENUE GEBRUIK MET EKSKLUSIEWE SOWEL AS NIE-EKSKLUSIEWE GEBRUIK.

(alleenlik op venue-huur)

- **40% afslag** - enige weksdag (Maandag – Donderdag, amptelike vakansiedae, skoolvakansies en Desember uitgesluit.

5. EKSKLUSIEWE GEBRUIK VENUE HUUR SLUIT IN:

- Eksklusiewe gebruik van restaurant met tafels/bankies/stoele;
- Klank- en musiekstelsel in die Restaurant;
- Eksklusiewe gebruik van dansbaan en Cocktail kroeggedeelte en Tuin van Eden;
- Voltydse De Vette Mossel skakelpersoon op die terrein – ook met regmaak vir troue;
- Eksklusiewe gebruik van volledige kontant kroeg;
- Twee vooraf terrein-besoeke met De Vette Mossel se “wedding planner”; en

- Skoonmaak van restaurant. (Verfraaiings en gehuurde goedere moet egter deur die bruidspaar verwyder word voor 09:00 die volgende oggend)

6. UITGESLUIT VAN VENUE-HUUR

Kos – is nie ingesluit by die Venue-huur of afslag nie.

LET WEL: Met die eksklusiewe huur, doen ons ongelukkig nie troues onder 50 gaste deur die jaar, 75 gaste in skoolvakansie of openbare vakansiedae, en 100 gaste in Desember nie.

Indien jul minder as bg getalle is, moet jul nog steeds vir 50, 75 of 100 gaste soos hierbo verduidelik betaal. Let daarop dat ander personeel van julle, soos die DJ, fotograawe, ensovoorts, tel ook as gaste en moet ingesluit word by die hoeveelheid gaste.

7. EN 'N DEPOSITO?

Jou bespreking word bevestig met **ontvangs deur ons** van 'n 50% deposito. 'n Verdere deposito van 30% word verlang nie later as 2 maande voor die troudatum nie en die laaste 20% deposito, plus die **R2 500.00** breekskade-deposito, nie later dan 1 week voor die troudatum nie. Moontlike terugbetaling van breekskade-deposito, en finale berekening, sal nie meer as 1 week na die troudatum geskied nie.

Ons wil met bespreking 'n aanduiding van die aantal gaste hê, maar die werklike getalle (waarvolgens julle betaal) sewe dae voor die aanvang van die funksie. Lig ons egter intussen in sou julle getalle dramaties styg of daal. Sou julle kanselleer of die datum verskuif, verbeur julle uiteraard die deposito omrede die venue vir daardie datum uit die mark gehaal is vir moontlike ander besprekings. Ons wil egter nie geld maak uit ander se ongeluk of omstandighede nie. Daarom betaal ons jou deposito, minus moontlike uitgawes dan reeds aangegaan asook 'n 15% hanteringsfooi, aan jou terug sou ons 'n troue van dieselfde of meer gaste, of pro rata daarvan, weer boek vir julle troudatum.

8. HOEVEEL MENSE KAN DIE RESTAURANT SIT?

In Desember en tot en met 10 Januarie sit die restaurant 550 gaste, hoewel ons gewoonlik 'n maksimum van sowat 500 sit omdat al die tafels weens groepdinamika nie altyd vol is nie. Vir die res van die jaar sit die restaurant 'n maksimum van 300 gaste, maar dit kan vergroot, of verklein word.



9. KAN EK NET DIE VENUE HUUR EN SELF KOSMAAK?

Ongelukkig nie.

10. KAN ONS 'N ANDER MENU VOORSTEL SOOS 'N SKAAPBRAAI?

Ongelukkig nie. Ons is nie spyseniers nie en waak jaloers oor die ervaring wat De Vette Mossel langs die see bied met 'n groot verskeidenheid seekosdisse in oorvloed. Ons is immers welbekend vir ons seekos. Ons "aankondigings" bly ook ononderhandelbaar deel van die ervaring – selfs al word die restaurant eksklusief gebruik. Ons bied 'n ervaring aan – nie net 'n venue en kos nie.

11. IS DAAR 'N DANSBAAN? EN MUSIEK?

Ons dansbaan bestaan uit 'n verhoogde onderdak gedeelte van 'n sementvloer van nagenoeg 6m x 10m. Gebruik van die dansbaan is ingesluit by die Venue-huur. Julle is welkom om ook julle eie dansbaan op te rig binne die restaurant op die sand.

De Vette Mossel beskik oor 'n uiters kragtige luidspreker/musiekstelsel wat normaalweg gebruik word vir agtergrond musiek en om aankondigings te maak. Met aankondigings/toesprake is 'n koordlose mikrofoon beskikbaar. Met danse kan die luidsprekers so gedraai word dat musiek op die dansbaan oorverdowend kan wees, maar dat mense in die res van die restaurant nog steeds kan gesels. Ons wil ten sterkste aanraai dat julle self 'n skootrekenaar met lekker musiek bring en ons speel dit graag vir julle. Die klank en musiekstelsel is ingesluit by die Venue-huur. Ons het nie Eskom-krag op die perseel nie, en maak van net sonkrag. Sou u 'n orkes wil gebruik, sal julle jul eie kragopwekker moet inhuur.

12. MAG ONS DIE RESTAURANT VERFRAAI?

Julle is meer as welkom. Let egter asseblief daarop dat sou ons 'n middag-eetsessie op daardie dag hê, dit kan gebeur, hoewel onwaarskynlik, dat julle eers teen 3.30nm daarmee sal kan begin. Praat gerus met Nikki hieroor en ook vir voorstelle. Ons het ook kontakte met diensverskaffers vir die huur van ander benodighede. Waar ons sulke ander benodighede teen ons koste en tyd self moet gaan haal, was en terugneem, is 'n 10% hanteringsfooi hierop van toepassing. NB. Na ons mening en ervaring, en weens die uitsig en dekor van die restaurant, werk te veel versierings nie. Dit vernietig die eiesoortige karakter van die restaurant. Stringe vuurhoutjiekoppliggies, lappe en stringe skulpe werk uitstekend. Vermoed groot blommeruikers op elke tafel – die ruimte op die tafels is beperk. Hier is dit beslis 'n geval van "minder is meer".



13. WAT VAN MENSE WAT NIE SEEKOS EET NIE?

Let daarop dat 8 van die 16 disse is nie seekos nie. Slegs waar mense allergies is vir ALLE seekos, maak ons wel 'n uitsondering en maak een addisionele dis spesiaal net vir hulle @ 'n addisionele fooi van R50.00pp. As iemand allergies is vir byvoorbeeld mossels, vervel hierdie toegewing omdat daar nog steeds meer as 15 ander disse op ons menu is waarvan hy/sy kan eet. Let wel, hierdie reëling geld nie vir mense wat "nie vis eet nie". Ons bly immers primêr 'n seekosrestaurant.

14. KAN JULLE IETS ANDERS BYKOMEND VOORSTEL WAT DIE GELEENTHEID NOG MEER BESONDERS KAN MAAK?

U kan daarvan oortuig wees dat dit wat ons aanbied werklik besonders en 'anders' is, wat die geleentheid onvergeetlik sal maak. Aangesien dit 'n strand-troué en 'n strand seekosrestaurant is, kan julle dit verder uitbrei deur byvoorbeeld die gaste sowat 100m teen die strand te laat afloop na die gazebo waar julle in die eg verbind sal word. Die bruid maak haar verskyning dan van die trappe na die strand waar die seremonie sal plaasvind. Bruide het ook al per helikopter of te perd opgedaag.

Ons kan ook sorg, teen **addisionele koste**, vir byvoorbeeld vonkelwyn, wilde oesters (Wat skuins voor die restaurant uit die see gehaal word!) en aarbeie net na die seremonie op die strand self of op die troudek, ens.

Druk jou eie stempel af en gee jou verbeelding, fantasië en kreatiwiteit vlerke! Praat gerus met Nikki wat anders julle graag sou wou hê of doen.

15. TOT HOE LAAT KAN ONS FEESVIER?

Normaalweg en ingesluit by die venue-huur mag niemand na middernag nog op die perseel wees nie. U kan egter reël om later te bly. Na middernag word R500.00 van die breekskade-deposito van R2 500.00 afgetrek, na 1 nm 'n verdere R500.00 en na 2 nm 'n verdere R1 500. (Let daarop dat dit nie pro rata bereken op watter persentasie van die spesifieke uur julle vertrek nie – in effek beteken dit dat bogenoemde betalings van toepassing word die oomblik dat die volgende uur aanbreek. Ons verwag egter dat alle gaste teen 2nm van die perseel is) Let daarop dat of daar vooraf gereël is of nie, die tye hierbo eerbiedig moet word.

NB. Daar word verwag dat paartjies 'n verantwoordelike persoon aanstel om tot laaste te bly sodat geen dispuut oor hoe laat gaste vertrek het, kan wees nie, asook om gaste se goeie gedrag te verseker! As ons gaste herhaaldelik moet vra om te loop, laat dit net 'n slegte smaak in die mond. Ons neem egter nie daarvoor verantwoordelikheid dat alle gaste teen die vooraf vasgestelde tyd van die perseel af is nie – daardie verantwoordelikheid rus by julle. Niemand wil tog R2 500.00 betaal oor enkele gaste se deurnag-kapperjolle nie.



16. WAT VAN SLEGTE WEER?

Let daarop dat Mosselbaai, met minstens 300 sonskyndae per jaar, formeel die tweede beste weer ter wêreld het. Moet glad nie George se weer met dit by ons vergelyk nie. George is nat en koud. Van die afgelope meer as 400 funksies wat ons hier gehou het, moes slegs twee weens stormweer gekanselleer word. Die restaurant is so ontwerp dat funksies sonder ongerief gehou kan word ook in geval van ligte reën en sterk wind. Alle gaste sit onder dak en die hele restaurant kan binne minute reg rondom aan die kante toegemaak word. Hoe dit ook al sy, ons sal nooit kanselleer nie – die besluit berus by julle. In geval van slegte weer, en sou julle op die strand self wou trou, kan die seremonie maklik na binne die restaurant verskuif word.

17. WAT VAN DRANK EN KOELDRANKE?

Ons het 'n goed-toegeruste kontant kroeg en geen drank, water of koeldrank mag vir die troue op die perseel gebring word indien die venue eksklusief gehuur word nie. 'n Kurkfooie van R30 per bottel sal gevra word op wyn en sjampanje wat ingebring word vir troues en funksies, en R5 per water/koeldrankbotteltjie. Die kroeg is volledig toegerus, ook met “Cocktails en Shooters”. As daar spesifieke voorkeure van drank is, lig ons asb diensooreenkomstig minstens een week voor die troudatum daarvoor in. U kan 'n “tab” by die kroeg hou, of die reëling tref dat die gaste byvoorbeeld self betaal vir ander drank dan wyn en bier. Die “tab” moet dieselfde aand betaal word. Geen individuele “tabs” sal ongelukkig gehou kan word nie.

Ons kroegpryse is baie billik, en is onderhewig aan gebruikelike verhogings. Ons het krediet/debiet fasiliteite by die kroeg.

18. KAN ONS DIE SEREMONIE OOK BY DE VETTE MOSSEL HOU?

Enige tyd – die meeste bruide doen. Ons het drie plekke waar u die seremonie kan hou:
(Let wel: alle kostes verhoog elke jaar op 1 Desember met 8%)

1. SEREMONIE OP DIE STRAND SELF:

(Daar is houttrappe van die restaurant tot op die strand)

Gazebo met wit voile oor die gazebo
Skulpversierings
Bamboes preekstoel
Bankies

Registrasietafel met 2 stoele
Klank- en musiekstelsel op strand
Tafel(s) vir drinks en canopies
Bo-dek met geelhout kroeg

R8 500.00



2. OP ONS "OPPIE DUIN" BO-DEK TROU-VENUE (Verruklike uitsig. Met trappe na die strand)

Permanente Gazebo en geelhout kroeg
Bamboes preekstoel
Bankies of plastiekstoele
Klank- en musiekstelsel vir "Oppie Duin"
Registrasietafel en 2 stoele

R5 500

3. BINNE DIE RESTAURANT

Dis ons plan B as die weer glad nie saamspeel nie – uit meer as 200 troues het dit nog net een keer gebeur.

19. KAN JULLE ONS HELP MET VERBLYF, VERSKAFFERS, ENS?

De Vette Mossel het 'n spesiale en eksklusiewe afslag vir ons trougaste by enkele uitgesoekte akkommodasie-vennote beding. Skakel gerus vir Nikki vir verdere inligting.

Ons het ook 'n lys van aan te bevole verskaffers oor 'n wye veld– van bloemiste, violiste, “wedding planners”, funksie-bestuurders, dekor en diensverskaffers, ens.

Ons het hierdie verskaffers uitgesoek en gekeur omdat ons glo hulle lewer uitstekende en bekostigbare diens. Ons neem egter geen verantwoordelikheid vir hulle nie.

LET WEL: ALLE PRYSE EN KOSTES IS ONDERHEWIG AAN ONS GEBRUIKLIKSE JAARLIKSE VERHOOGING-GEWOONLIK OP 1 DESEMBER, EN IS VAN TOEPASSING OP DIE DAG WAAROP DIE TROU PLAASVIND.

